

1. Yesusi ga Tuma na Nik'odimosi gay niye?
-Ga bboydiya Yesusi deshi angge zo deshi na uwango.
2. Zuk te Ferisawi tasi ke woch'i orte Tumon niye?
-Ede bboydiya ga du'u ge Abrahamiyo tasi ke Tuma ddaga ede shesheki.
-Ede tasi ke woch'iga orte Tumon shektino dege soy.
3. Yesusi sene mende ddul bizingsete Tumon teeko kabaye basen de mawun o basen de Tuma Wuruy na basen de mawun a katang?
-Ke t'obi iyong bboydiya t'obi ibaysi zo na uwango.
-Basen de mawun ga geskin hayni.
4. Basen de Tuma Wuruy a katang?
-Ga eli de Tumon de Tuma Wuru eliyo yebben.
5. Kono de balinan de Muse selisi telejo tunto iach Yesusi niye?
-Yene ke Muse selisi kono de balinano, zo mu miroge selisi Yesusi.
-Yene ke zo ge or konowo baso, zo ge or Yesusi na yepo baso.
6. Tuma iso Yesusi ba diya teek kiyang?
-Tuma hin ke ibaysi zo muuk k'at'isi ge de geskinun liyoki.

7. Zo eli de Tumon shiong kiyang?
-Ga bboydiya ede eli de Tumon hinongo.
8. Zo eli de Tumon hinong kinang?
-Ga bboydiya eli de Tumon irarese zo geskin dege na ede hinongo.
-Zo yel geskin dege na oyse geskin dege bak na hinong.

-Ungoch konang Yesusi i katama ge de zo zeri ke K'ipirnahomiyo teek.

-Zo ge meri hin ke or Yesusi.

Gezeri Mark'osi 2:1-2

- 1-Ungoy ge mich'inda tolo, Yesusi yama K'ipirnahomi na i yongo tuwo giyo. Zo shiktaboy.
- 2-Zo ge mero murdine na dibis keso tep na hala ge mu bboy de tesung unto. Yesusi ichachan penu de Tumon zo.

-Zo ge meri shik ichachan de Yesusi.

-Yesusi ichachan zo eli de Tumon so.

-Eli de Tumon de Yesusi ichachan zowo o eli de Tumon de eda ichachanong eduwo ga konang so.

-Zo gongo shik eli de Tumon sheshek.

-Tuma mu hin ke edu shio eli de Tumon shesheki.

-Balgede Yesusi ichachan zo eli de Tumon keso teeko, i niye?

Gezeri Mark'osi 2:3

3-Balge dongo zo ge wuno ngune mende wuruyo kon ortene. Zo ge dechiyo neno mu ga wuch.

-Mende wuruyo ibaysi saptene enene na uwado ko?

-Uwang.

-Yelagene ibaysi men dongo na uwado ko?

-Uwang.

-Hakumu ibaysi men dongo na uwado ko?

-Uwang.

-Men dongo iach zo muuk.

-Zo ibaysi saptete ejugo komajo de Set'aniyo liyok na uwado ko?

-Uwang.

-Zo ibaysi saptete ejugo komajo de reseduno liyok na uwado ko?

-Uwang.

-Zo ibaysi saptete ejugo komajo de geskinuno liyok na uwado ko?

-Uwang.

-Mende i ke nyereyo ibaysiyong edu na uwado ko?

-Uwang.

-Uwang kiyang?

-Ga bboydiya mende i ke nyereyo ga me'enito.

-T'obi ibaysiyong edu na uwado ko?

-Uwang.

-Uwang kiyang?

-Ga bboydiya ga desha de mende i ke me'enito.

-Mende ibaysiyong eduwo anen?

-Ga Tuma so.

-Zo gongo hatiye yelachege orte Mende Ibaysine na ga shei.

-Zo gongo hatiye yelachege orte Yesusi na ga shei.

-Zo hin ke haye mende wuruyo orte Yesusi.

-Kiyene muy zo mer sheshek na goro unto.

Gezeri Mark'osi 2:4

4-Bboyde zo mero, goro de zo haye men dongo orte Yesusi kesoki unto. Nyebba ge diya, ede tubun kes uptach na uptach a tubuniyeboyo, alay me nyigejo bboy de Yesusi iye bak.

-Kesi ge zuk te Ayhudi upta gege al girik dach.
-Zo kenji chpida sabo sabo na isit upta girik dach.

-Na ch'uwa zo isan salini uptajo tunto.
-Yongo tolo zo tebet uptach dangkaro.

-Ande urugun de woch'iye uptajo unto I keso wado na,

-Zo uruktiye yelachege uptajo tunto na boli uptach na alayduwa yelachege sap te Yesusi bak.

-Yesusi or na se niye?

Gezeri Mark'osi 2:5

5-Yesusi or yebben de zow gongo na elese mende wuruyo na sene: "Boliyo. Geskin denu kisuwa liyok."

-Yesusi or yebben de zo ge dechi mende wuruyo na bboydiya ede yep Tuma, is geskin de mende wuruyo liyok.

-Yesusi is geskin de mende wuruyo liyok na uwa niye?

-Ga bboydiya Yesusi ga Tuma.

-Yesusi tasi ke ibaysi mende wuruyoy.

-Kiyene muy zo ge al keso teeko gen or na arshiyong.

Gezeri Mark'osi 2:6-7

6-Zo konang konang ge ichachan penu de Museyo al yongo bbiyo na tasi keng ge na sene:

7-"Men diya ba eli hene na ddom Tuma kiyang? De is geskino liyoko a de? Ga Tuma konang sowoy. De ayayo ba anen?"

-Zo ge ichachan penu de Museyo sene Yesusi ddomga Tuma.
-Eli dongo ga budin.

-Yesusi Tuma ddomong.

-Zo ge ichachan penu de Museyo mu sene

-Tuma so is geskin liyok na uwado.

-Eli dongo ga mante.

-Tuma so is geskin de zowon liyok na uwado.

-Yesusi bboydiya ga Tuma, is geskin de zowon liyok na uwado.

-Mende ayay is geskin liyok na uwado ko?

-Uwang.

-Tuma so is geskin liyok na uwado.

-Yesusi ga Tuma re na is geskin ke zowon liyok na uwado.

-Kiyene muy zo ge ichachan penu de Museyo Yesusi ke Tuma yepong.

-Zo ge ichachan penu de Museyo tasi tasi konang ch'uwa.

-Kiyene muy eli konang mu ane kjelitong.

-Ede tasi saptege so.

-Kiyene muy Yesusi gay tasi dege sheshek.

Gezeri Mark'osi 2:8

8-Yongo shaw guru bboyde ede tasi keng giyo, Yesusi gay tara ge na sene: "Edu iye ba tasiyo hene kiyang?"

-Zo ge ichachan penu de Museyo ang konang mu ane kelitong.

-Kiyene muy Yesusi gay bboyde ede tasiyo muuk.

-Sabo men konang tasi konang mu ane katasiyongo, Tuma gay tasi dene.

-Sabo zo muuk tasi dege ane katasitongo, Tuma gay tasi dege muuk.

-Yesusi ibaysi mende wuruyo ko?

Gezeri Mark'osi 2:9-12

9-Yesusi sene: "De shol sholo a de? Bbush keli mende wuruyo geskin deu kisuwa liyok ko? Bbush kesene i kok na tey nyigech na ogu?"

10-Kiyene muy edu tagit na woche me'endon ba ge teek komorsete is geskin liyoko iye." Siyene na elese mende wuruyo na sene:

11-"Kelagen na i kok na dda nyigechenu na ok yoko."

12-Men dongo i kok na dda nyigechene na oguwa yongo kabarey ge zowono muuk giriyo. Ya zo muuk sosoyne na bat Tuma na sene: "Ande iko diya ba ane gargitong."

-Yesusi irarese zo komache Tumon na ibaysi mende wuruyo mat'ana.

-Yesusi ibaysi achuk te mende wuruyo na uwa niye?

-Ga bboydiya Yesusi ga Tuma.

-Zo ge ayay sosoyne na bat Tuma.

-Zo desha de i ke dongoy ba ane kargitong.

-Tolo ch'uwa Yesusi ddulo keso wadak.

Gezeri Mark'osi 2:13-14

13-Yesusi ch'uwa koy yongo tumuy gasak. Zo muuk ngun ortene na nen ichachando.

14-Nen balgede k'en yongo, or Lewi de i ke woche Ipiyosi yongo keso de nen lime gibiriyo na sene: "Ddayan anyi." Lewi ch'uwa ibba re kok na ddoy nen zel.

-Yesusi zeri Lewi ke dditkachene kon.

-Dditkach a katang?

-Dditkach ga mende ddi o men kon na shik ichachan dene.

-Yesusi zeri Lewi ke dditkachene kon.

-Rongi ge Lewi ge ayayo ga Matewosi.

-Matewosi bboydiya deshi desha de zuk te Romeyo, zuk te Ayhudi mar nen sheshek.

-Matewosi bboydiya lim gibiri de zuk te Romeyo, zuk te Ayhudi mar nen sheshek.

-Matewosi mu bboydiya am gibiriyo, ga mende gesi.

-Matewosi ga mende gesi kiyene muy tach'a gortene boy.

-Matewosi hayni geskin dene na yep Tuma.

-Matewosi yep Yesusi ke Mende Ibaysine.

-Bergan ge meri tolo, Matewosi kon mats'afi konang mats'afi ge de Tumon teek.

-Mende ingkar Matewosi ke kon mats'afiyo ga Tuma Wuru.

-Yesusi zeri Lewi na ch'uwa oguwa kese Lewi teek.

Gezeri Mark'osi 2:15-16

15-Yesusi i kese Lewi teeko. Zo ge mero lim gibiriyo o ge deshi geskino ale o nen o dditka na mule bboyde koni. Zo ge mero ch'uwa ddoy nen.

16-Zuk te Ferisawi ge ichachan penu de Museyo, bboyde Yesusi mule o zo ge deshi geskino o ge lim gibiriyo, or na enget dditka ge Yesusiyo na sene: "Yesusi mule o zo ge lim gibiriyo o ge deshi geskino kiyang?"

-Zo ge ichachan penu de Museyo o zuk te Ferisawi dangk'isine sheshek.

-Ede bboydiya bat Tuma ungojo ungojo ch'olo tasi ke deshiga shektin so na geskin konang mu deshigangi.

-Ede bboydiya pesh amset duruwo tasi ke deshiga shektin so na geskin konang mu deshigangi.

-Zo ge ichachan penu de Museyo o zuk te Ferisawi tasi ke bboydiya deshiga shektin sowo k'enga orte zo ge ayay tuntoki.

-Ede mule zo ge lim gibiriyo na hinong.

-Ede mule zo ge deshi geskino na hinong.

-Yesusi shik eli dege na se niye?

Gezeri Mark'osi 2:17

17-Yesusi shik ya, elese ede na sene: “Ge bawda hakumu hinong. Ge hino ga ge ila’aso so. Anyi kuno, kun ke kezeri zo ge geskin deshiyongo iyong na kun ke kezeriyon zo ge deshi geskinoy.”

-Yesusi sene mende bawuwo hakumu hinong na mende hin hakumuwo ga de ila’aso so.

-Zo ge tasi ke ede aga sheida Yesusi ibaysiyong.

-Zo ge tasi ke ede geskin deshigango Yesusi ibaysiyong.

-Zo ge tasi ke ede deshiga shektin sowo Yesusi ibaysiyong.

-Mende gay geskin dene Yesusi ibaysido.

-Mende gay ila’achene de i ke geskino Yesusi ibaysido.

-Edu gayo geskin degu ko?

-Ke geskin degu hin k’at’isi de Tumon tumu ge de gowon teeko, edu gayodo ko?

-Mende gay geskin dene Tuma ibaysido.

-Mende hayni geskin dene sap te Tumono Tuma ibaysido.

-Mende yep Tuma sowo Tuma ibaysido.

-Mende yep Yesusi ke Mende Ibaysine dene Tuma ibaysido.